


يلا نحكي ونتعلم

يوسف ودبدب والقطعة زبري




٢-٤
سنوات



يلا نحكي ونتعلم

فصّة يوسف وديدي والقطّة زيزي


فكرة وتأليف: إلهام فطيم - رسوم: محمد توفيق - إخراج فني: أفكار ستوديو



يتم من خلالها تأكيد فكرة الحب الأسرى وتحمل المسؤولية بين الاخوة والأخوات بشكل مباشر وبسيط.



كان فيه ولد جميل اسمه يوسف و كان له أخت لطيفه اكبر منه اسمها ديدى و عندهم قطه بيضه حلوة اسمها زيزى .



بابا وماما بيحبوا يوسف وديدى والقطة زيزى و كانوا كل يوم بالليل يقعدوا معاهم يحكولهم حكاية جميلة قبل مايناموا.



في يوم من الأيام بابا وماما كان لازم يخرجوا عشان عندهم مشوار مهم .



بأبا قال ممكن ياديدى نخرج أنا وماما ونسيبكم تلعبوا مع بعض؟ ديدى قالت طبعاً ياأبأ أنا أقدر أقعد ألعب أنا وأخويا
لحد ما ترجعوا بالسلامة وسألت ماما يوسف إيه رأيك يا يوسف؟ يوسف قال أنا موافق أنا أحب ألعب مع أختي ديدى
وقطتي زيزي



خرج الاب والام وودعا يوسف وديدي.



ديدي قالت لازم نفكر في لعبة جميلة تسليني أنا ويوسف . ياترى نقرا قصة ؟ ولا نتفرج على التلفزيون ؟
ولا نلعب رياضة ؟




يوسف قال أنا مش فاهم يعني إيه نلعب رياضة لكن يلا نلعب رياضة، ديدى قالت يلا نقف ونفرد جسمنا ابتدى...
إدينا لفوق واحد اتنين تلاته



ننط لفقو و احد اثنين ثلاثه... نلف ادينا مروحه و احد اثنين تلاته...



وقعدوا يلعبوا اللعبة دي وهما فرحانين و كانوا بيضحكوا لأن القطة زيزي كانت بتتنطط وتحاول تلعب زيهم .



بابا وماما كانوا فرحانين لما رجعوا ولقوهم بيلعبوا ومبسوطين، بابا قال أنا مبسوط قوى انكم بتلعبوا رياضة لأن الرياضة حاجة مهمة جدا تخلى الجسم قوى والصحة كويسة للصغيرين والكبار ، حتى القطة زيزى بتحب الرياضة.

أسئلة مفتوحة حول القصة

١. بابا وماما كانوا يعملوا إيه بالليل قبل يوسف وديدي مايناموا؟
٢. ليه يوسف وديدي كانوا بيحبوا قطتهم زيزي؟
٣. ياترى يوسف وديدي زعلوا لما عرفوا إن بابا وماما هيخرجوا ويسبوهم؟ ليه؟
٤. إيه اللعبة اللي ديدي اختارتها عشان يلعبوها؟
٥. ليه بابا وماما لما رجعوا كانوا مبسوطين؟

